

صاحبی ، مدیری ، محرری :

ظاهر المولوی

آبونه بدلی :

سنه لکی ۱۰۰ غروش

آلنی آیانی ۵۰ «

اوج آیانی ۲۵ «

مختل

۱۳۳۸

اداره خانه سی :

شوزاده باشندده (تعالی اسلام)

جمعیتی مرکز عمومی

مرکز توزیعی :

باب عالی جاده سنده اتحاد

تجارت کتبخانه سی

اسلامک نفقنه خادم مقالات

مع التشر قبول و درج اولونور

دینی ، علمی ، ادبی ، اجتماعی و سیمبلیک شهری محمودیه در

عدد : ۶

(۱۳۳۸ ذی الحجه سنه مخصوص نسخه)

فی ۷ بوجوق غروش

مندرجات :

مختل دینی و علمی : فرضیت حج ، وقفه صرفات ، بر آیت کریمه مناسبتیه ، دین اسلامک واضی ، حکمت تشریع

مختل تاریخی : بویوکلر سزیدن مابعده ، معتقدات جاهلیه

مختل ادبی : صرب رومانلری ، مناجات ، ذبح اسماعیل ، غنی کشمیری ، مختلک تاریخ انتشاری

مختل اجتماعی : تعالی اسلام جمعیتی واجرا آئیه بیاننامه لرندن بعضلری

تبریک و تشکر

عید سعید اضحانک بالجمله اخوان دین حقننده قیمن و دولت و مملکت سعادت آتیه سنه مبدأ اولمابی الطاف سبحانیه دن متمنادر .

(مختل)ك انتشارینی اعلان و تبریک لطفننده بولونان رفقای محترمه ، بالخاصه مختل و صاحب ناجیزی حقننده بك ملتفتانه و مشوقانه توجه ارانه بویوران ادیب بی همال علی کمال بك افندی حضرتلرینه عرض شکران اولونور .

بوکر و کثر ض

دن

خبا ب بن الارت

ما بعد :

حضرت خبا ب (عبدالله) نامنده براوغلی واردی که اولنک اسمیه تکنی ایتنی و (ابو عبدالله) کنیه سی ایشدی.

جناب عبدالله؛ پدرینک اوتخاندن صوکر اخارجیلر طرفدن قتل ایدیلدی. خوارجک اجتهاد و اعتقاد غریبندن بر نمونه اولدینی جهنمه مشارالیک کیفیت شهادتی ده یازمی ایستدم.

معلمدر که ۳۷ سنه هجریه سنده (رقه) چوارنده کی (صفین) موقعهده عراق و شام اوردولری آراسنده یوزاون کون سورمش و ۹۹ دفعه مقاتله ایدیلش بر محاربه عظیمه واقع اولمشدی که مرایکی طرفدن بیکارجه اهل ایمانی خا که هلا که سرمشدی. یوقانی ملحه مک صوکرینه طوغرو مظفریت؛ عراق اردوسنه یوز کوسه قومه به باشلامش و شام اوردوسندن عراقلرک ازجنه مصاحف شریفه باغلا نیلمق صورتیله متار که تکلیف ایدیلشدی. مصحفلرک عراق اوچارنده یو کسلدیکنی کورن عراقیلردن (مصر بن فدلک) (زید بن الحصین) کیلرله اولره پیرو اولانلر؛ حضرت علیک رأینه مخالفه محاربه مک تعطلینه مشارالیهی مجبور ایتدیلر.

بو مخالفینک چوغی کروه قراء ایدی که اکثر اوقابده تلاوت و عبادت ایله مشغول اولورلردی و اولاد عربدن اولدقلمی جهنمه الفاظ قرآنیه مک مضالری بیلیرلردی. لکن بر آدم، قرآن کریمه تحت اللفظ معنی ویرمکله طلم فقیه اولماز و قرآن کریمدن احکام شرعییه استنباط ایله یهمن. بوکروه قراء دنخی فقیه اولماق قیلدن احکام شرعیه مک حقایقه واقف اولما یوب ورطه تعصبه

دوشمشلردی. حتی بوکروه قراء؛ عثمانیه، بنی حضرت عثمانک طرفدارلرینه دینسز و مذهبسز نظریه باقوب علویله مکده افراط ایله مشلر ایکن بوکروه حضرت علی به مخالفت ایتدیلر و پیشمش آشه صوغوق صوفاندیلر. فقهایی حفاظ و قرادن تفریق ایدمه ین عوام ناسک جوخی دنخی آنلرک ظامر حالرینه آلدانه رق لاکلش یوله کیتدیلر - قصص انبیا -

اوزون بویلو مناقشه لردن صوکر اتحکیم حکمین قرارلاشدی و حکم معهود ویریلدی. بونک اوزره دینه - (خوارج) نامی آلمش اولان - مخالفین علی، بر، اصر تحکیمی قبول ایله کافرو صوکر اتائب و مستغفر اولدی، دیمکله برابر حضرت صرضایه سنده ابتدا کافر اولدینکی اقرار ایت، صوکراده توبه و استغفار ایله، دییه جک قدر جرأت کستاخانه کوستردیلر و نهر وان قریبده برلشمک اوزره بربرلرله سوبله شدیلر.

بونلرک برکروهی؛ نهر وان ساحلنده - زوجنه سی بر مرکبه ییندیرمش اولدینی کیدن - عبده بن خبا به راست کلدیلر و هویتکی آکلایجه بر حدیث روایت ایتمه سی ایسته دیلر. اوده برفته اولاجق که آنده کیشینک بدنی اولدیک کی قلبی ده اوله جک. کیشی مؤمن اولارق آقشام لایوب کافر اولارق صبا حلا رو کافر اولارق صبا حلا یوب مؤمن اولارق آقشام لار، ماننده کی حدیث شریفی روایت ایتدی. - ابوبکر و عمر رضی الله عنهما حقنده نه دیرسک؟ دییه صوردیلر. مدح و ثنارنده بولوندی. - عثمان؛ خلافتنک بدایت و نهایتنده ناصیلدی؟

دیدیلر.

- اول و آخر حقلی ایدی. جوانی ویردی.

- علی ایچین تحکیمدن اول و صوکرانه دوشونورسک؟

صوالی ایراد ایتدیلر.

- علی؛ جناب حتی جمله کزدن اعلمدر. دیتنده

باشقه لردن زیاده متقیدر و هیچکزدن فضله بصیرت صاحبیدر. مطالعه سنده بولونجه

- سن هوايه تابع اوليورسك ، شهرته آلدانوب عمله باقيايورسك . بناء عليه طرفدارلق ايدىيورسك . ديه مشاراليه و زوجة منى برخرما آغاچنك آلتنه كوتورديلر . اوانساندن آغاچدن برخرمادوشدى . خارجيلردن برى ده بونى آغزبنه آتدى . ليكن ديكرى :

- خرمايى صاحبي ويرمه دن ، ياخود پاره سنى تأديه ايتمه دن آلتنه ده بنجه آغزندن چيقاروب فيرلاندى . ينه او صيراده اهل ذمتدن برينك بردوموزى كلدى . برخارجى ده قيلمى ايله اوروب اونى اولدوردى . فقط ينه او متقى خارجى !

- بوسنك ايتديكك فساددر . ديمككه دوموزى اولدورن ؛ صاحبي بولوب پاره سنى ويردى وحلالاشدى . زواللى عبدالله بن خباب :

- بوبادقلىرىكز طوغرو ايسه سزدن ضرر كلز . چونكه بن ؛ مسلمانم وموجب قتل برجنابت ارتكباب ايتمه دم . ديديسه ده حريفلر ديككه ميه ركه بيجاره يي پاتيرديلر وقويون كسر كى بوغازلاديلر ، جسد يبروحنى نهره آتديلر . گه به اولان حرمى ده قارتى يارمق صورتيله شهيد ايتديلر . د خوارچك بو حال وحر كى تلىر محيى جاعبرت آلاچق حالات غريبه دندر . برخرماني صاحبنك رضاسى اولقسزىن بىكى جائز كورمه ين وبر خنزيرى تلف ايتمككه صاحبي ارضايه مجبور اولان متعصبه باق كه اصحاب رسول الله دن برذلتك صغار صحابه دن اولان اوغلى بغير حقى بوغازلامقدن چك نمبورلر و ملت اسلاميه ده قادينلر ، قنى دين ومنه بده اولورسه اولسون هر درلو تهرضدن مصون ايكن آي ، كوفى تمام اولمش بر حامله خاتونك قارتى يارمق كى غايت چيركين برجنابتى ارتكابدن صاقيه ميورلر بارد وباطل تعصبات انسانى نه مرتبه نامشروع ونامعقول يوللره سوق ايديه بيله چكى واپام فتنه نك ناصيل مخاطره لى ودهشتلى و قتل اولدنى بووقعه ايله رغنا معلوم اولور - قصص انبيا

اخيراً (خارجيلر) عنوانيله يازوب (پيام صباح) غزنه سيله نشر ايله ديكم بر مقاله ده بووقعه يي وحضرت خليفه نك تحقيقات اجراسى ايجون كونده رديكى برامورى ده خارجيلر قتل ايتديكلرىنى يازدقدن صوكر شوسطرلرى علاوه ايتمشم :

بوظلمه كروهي ؛ اويله برزمانده اداره اسلاميه نك وحدتى رخنه دار ايدىيوردى كه : شام طرفلرنده كى عصيان كيمدكه كنيدش ايله بور واريكه خلافتك حزين حزين غمجيترتسى ؛ الصاغر قولاقلر طرفندن بيله ايشيديلدوردى . حضرت على ؛ شام سفرندن ناچار صرف نظارله خارجيلر اوستنه يورودى . و (رأى وامان) سنجاغنى آجديروب د هر كيم بوسنجاچك آلتنه كليرسه اميندر ، هر كيم جنك ايتمز وتعرض ايله مزسه اميندر ، هر كيم كوفيه ومدايينه كيدر وبوجاعتدن آيريليرسه اميندر . ديه ندا ايتدوردى . خوارچدن عقلى باشنده اولانلر ؛ امان مراضوى اوزرينه داغيلديلر . ليكن ۱۸۰۰ قدرى (عبدالله بن وهب) ك قومانداسيله خليفه عسكرينه صالحه يرديلر . سائرلرى چكيلوب كيتديكى حالده بونلرى ثبات وصولته سوق ايدن شى (ابن وهب) ك قازانمش اولدنى امارت موهومه ايدى .

حريف ؛ آتوب طومايه ، آصوب كسمه يه آليشمش وباص باباغى حكمدارلنى قورمش اولديضدن بو طاتلى دوش آزمه سندن اويانمق ايسته ميوردى . مصيتمه كيلرده اميرلرينك اوضعندن منعم ومستفيد اولانلر ايدى . ليكن نتيجه اومدقلىر كى چيقمادى ، بلكه ايتك مصادمه ده جانلرى چيقدى و دولت باشلرينه دكل ، قوزغون لشارينه قوندى .

طاهر المولوى